

中國邊疆史志集成

內蒙古史志
46

全國圖書館文獻
縮微復制中心

山近軒 軒在山莊西北峰巒窈窕環抱檐楹萬山深處

命名山近紀實也宮門三楹南向正殿五楹殿西三楹額曰清娛室
東五楹額曰養粹堂堂之南爲延山樓層閣凌雲飛甍出樹因
高得曠于延山宜面西敞亭三楹亭外奇石嵌空迴廊曲注額
曰簇奇廊踞東峰頂草亭一區有松蒼然額曰古松書屋

御製詩

題山近軒 己亥

古曰入山恐不深

見入山惟恐不深唐韓愈文

無端我亦有斯心丙申初構己亥

得

是軒經始于丙申秋今于己亥夏落成

仲夏新來清曉尋適興都因契以近摛詞那

敢忘乎欽究予非彼幽居者偶託聊爲此暢襟

再題山近軒

已在萬山中更圖山之近于得不厭多人情率堪哂而軒乃蹈之惹
舊盡以蘊雖云靜何礙詎殊欲爲準彼但徇欲者失靜害則允

山近軒題種松

庚子

山近非逼仄軒高仍廓朗苟非窮幽深何以暢俯仰昨歲種稚松今來盈尺長謂當待十年可與舊松仿十年則八旬艱期約弗爽

山近軒對雨

辛丑

塞雨時作止山軒小憩停乍飛一川白頓失萬峰青擬議如觀幻畫圖難寫形須臾雲歛盡巖瀑尙餘聽

題山近軒

壬寅

一雷能消萬斛愁軒稱山近得來遊林迴生意纔追旱籟挾涼聲颯似秋點砌依然欣雨落歸峰故爾惜雲流殷雷未放十分霽渴亟吾仍冀霈優

延山樓得句

己亥

出樹有高樓山姿舉目收四隣若可揖一意與相投妙理閒中悟清吟靜裏搜著占需上六不速客之儔

題延山樓

山本靜非動樓惟虛故延曾無費來往自得與周旋生翠罨窗牖清
暉照几筵愛茲眞徐孺陳榻覺卑焉

題延山樓

庚子

山祇靜爲體樓乃延之來而樓豈解延以人憑牕開三者設闕一斯
名託誰哉子與亦知此曰萬物我該愁覺執我矣未若順應恢

延山樓

辛丑

近山軒左側樓復號延山一再寧非甚性情偏寄閒開窗納蒼翠梯
几俯孱顏點筆便宜者無勞事陟攀

延山樓

壬寅

巖廊過奇處山樓得延所其延乃在安理會于斯可啓我八窗虛納
彼萬峰岨是謂不速客敬之吉易語

清娛室口號

己亥

窈窕中藏室一區遠塵因以號清娛雖然詎可恆安此吏治民生總繫吾

清娛室有會

山清室可娛額清娛簷際而我來茲室因繹清娛義九有大清國萬民永娛事養欲及給求思之甚艱致豈謂清供目豈謂娛滿志惟益增惕乾遑敢恣留憩

清娛室 庚子

芸齋枕嶠岷颯景稱去聲吟探晴牖峰遠近風林葉兩三秋惟佳塞北

潦陡憶江南唯寧郭家渡漫工雖現據薩載等奏水勢循流下注楷料亦僂運而合龍尙難預期下游田廬尙被淹沒未經

涸出實深罹念我自憂勞者清娛詎可耽

題清娛室 辛丑

爲室由來必有隣書軒山近步廊循取之左右適其可耐以周旋任彼眞過雨山容翠如濯搖風樹韻靜而倫清娛欲得心無滓養此寸

田福萬民

清娛室

壬寅

山莊半月始臨吾踈懶由來有是乎書室潤芳延萬景清娛今日識清娛

簇奇廊

己亥

穿石入壺天借巖架雲陀嵐靄盪胸懷搖刪變尺咫攢簇列鏡中生動攬畫裏無之而不奇祇惜移步履

簇奇廊

庚子

奇者正之對亦視用所宜於武偶藉此於文當戒茲又如恆居心貴正豈貴奇至夫偶騁目賞奇亦正資步廊顧其名即景解若斯

簇奇廊

辛丑

奇者正之對正恆奇祇偶好正泰之機尙奇否之友茲廊稱簇奇乃因山景有橫嶺與豎峰青松及丹柏叶盡態復極妍而廊無不受受

則弗失正而奇亦非醜五字誌所會是亦一道否

簇奇廊口號 壬寅

詭石危峰盡態奇飄然欲墮更安之其安以正本無事說與兵家當曉斯

題養粹堂 己亥

詰曲幽蹊那厭遙豁然開朗見雲寮未經含粹憩養粹

含粹齋在谷口

題額也昔屢有詠來此所必經路

昔訓垂堯今述

堯詎喜山容純不雜擬窮理趣靜而超無須更展韋編讀舉目文言

義總標

養粹堂得句

羲象分明曰純粹士希賢聖聖希天養之亦豈資他術可見行惟在

體乾

養粹堂 庚子

山堂據崇阜曠望非深邃以其隣敷露顏之曰養粹取例橫渠銘

西謂

銘東

無非淑身義更遠溯子輿曰養浩然氣浩然無不純純即粹之致然而孟近傲未若張平易居高心自卑時存近民意

古松書屋 己亥

草房雖不古而松與古之借問松何年不知種者誰宇宙以來山有山松在茲適茲構草房宛共松同時落落涼陰翻謾謾塞濤吹那覺當夏五直如對伊耆無須閱世書總可兒孫其

戲題古松書屋

天公爲我種龍鱗八百春秋共大椿偶向其間結茅屋非幽人強學幽人

古松書屋口號 庚子

岩巖山頂弗恆臨獨樹猶撐太古陰付與空空書屋對笑予構築是

何心

古松書屋作歌 辛丑

古松依塞山無懷葛天世所有泰岱秦時五大夫去斯數百千年後
古松有誰知大夫之名傳乃久彼何幸此何弗幸馬遷附青雲語誠
非偶然而我詠大夫時則已對其新補率非舊叶乃雅泰山五大夫松
總管丁皂保監修泰山工程時補種故辛卯詠五大夫松有曩日司工人補植之句豈如古松猶然太初眞面
目更悟有名者不若無名恆自守

古松書屋作歌 壬寅

古松不計閱世年少言應在三代前秦松漢柏名炫久到此安能齊
臂肩大椿建木徒稱謂豈如歷劫仍見蒼龍蟠古松於我誠有緣其
下築屋纔一間亦不頻至至則弗忍去羲皇以上風月與我相周旋
試問羲皇以上民物爲何若古松無言惟以謏籟傳曰築屋已失之
而況更有斯問焉

欽定熱河志卷四十一

欽定熱河志卷四十二

行宮十八

獅子園

獅子園



獅子園 園以傍獅子嶺得名我

世宗憲皇帝在藩邸扈從

賜居於此中多

世宗題額園額乃

聖祖賜書也東西宮門五楹其南碧水迴環北岸亭三楹額曰翠柏
蒼松逾橋而南恭懸

聖祖仁皇帝賜額前五楹額曰芳蘭砌書院東環以迴廊中峙方亭
又東南殿三楹額曰水情月意後殿三楹東有亭

聖祖御書額曰環翠橋之北爲正殿有待月亭在殿東南前殿五楹
世宗御書聯曰日往月來明至道花香鳥語露真機

皇上御書聯曰西屏翠嶂常堪挹北戶清風不礙塵後殿三楹東五
楹額曰片雲舒卷又東北三楹爲護雲莊我

皇上御書額西北七楹額曰羣山環翠東北爲草房又東北曲徑窈